

REGLUGERÐ

um greiðslu og skil gjalda til Stofnfjár sjóðs fiskiskipa.

I. KAFLI

Gjald af aflu, sem landað er héraendis.

1. gr.

Þegar fiskiskip selur afla í innlendri höfn eða afhendir afla sinn til vinnslu héraendis, án þess að sala fari fram, skal fiskkaupandi eða fiskmóttakandi greiða gjald til Stofnfjár sjóðs fiskiskipa við Fiskveiðasjóð Íslands, er nemi 10% fiskverðs eins og það er ákveðið af Verðlagsráði sjávarútvegsins hverju sinni. Þó skal gjaldið nema 20% af verði síldar og humars.

Ákvæði 1. málsgreinar eiga einnig við, þegar fiskiskip selur eða afhendir afla sinn öðru skipi til löndunar í innlendri höfn.

2. gr.

Stofnfjár sjóðsgjald skv. 1. gr. skal greiða af öllum aflu, sem landað er héraendis, frá og með 15. nóvember 1968.

3. gr.

Stofnfjár sjóðsgjald af afla lönduðum héraendis á tímabilinu frá 15. nóvember til 31. desember 1968, skal greiðast í síðasta lagi samtímis því, að gjaldeyrisandvirði hlutaðeigandi afurða berst í héraendan gjaldeyrisbanka, þó ekki seinna en fyrir lok aprilmánaðar 1969, á grundvelli sérstakra skýrslna frá viðkomandi vinnslustöðvum, sem berist viðskiptabanka þeirra sem fyrst og eigi síðar en í febrúarlok 1969. Fiskveiðasjóður ber skýrslurnar saman við upplýsingar Fiskifélagsins um aflabrogð hlutaðeigandi skipa á tímabilinu og gengur úr skugga um, að rétt skil séu gerð, sbr. 2. málsgrein 9. gr.

4. gr.

Stofnfjár sjóðsgjald af afla lönduðum héraendis frá og með 1. janúar 1969, skal greiðast af fyrsta andvirði hlutaðeigandi afurðalána í viðskiptabanka fiskkaupanda eða fiskmóttakanda. Skal viðskiptabankinn annast innheimtu gjaldsins og taka það af andvirði afurðalánsins og ráðstafa því strax við lántöku til Stofnfjár sjóðsins á grundvelli skýrslna lántaka um magn og verðmæti landaðs afla hjá honum.

5. gr.

Sé ekki tekið lán í banka út á afurðir unnar úr afla skips, sem fellur undir 4. gr. hér að framan, ber fiskkaupanda eða fiskmóttakanda að greiða stofnfjár sjóðsgjaldið innan 10 daga frá því að afla er landað. Gjaldið greiðist þá beint til Stofnfjár sjóðsins.

II. KAFLI

Gjald af aflu, sem landað er erlendis.

6. gr.

Þegar fiskiskip selur afla í erlendri höfn, skal það greiða gjald, er nemur 22% af heildarsöluverðmæti (brúttósöluverðmæti) aflans til Stofnfjár sjóðs fiskiskipa. Hið sama gildir, þegar fiskiskip selur afla sinn öðru skipi til sölu í erlendri höfn.

Þessi greiðsla kemur til frádráttar frá heildarsöluverðmæti (brúttósöluverðmæti) ásamt frádráttartölu kjarasamninga við ákvörðun aflaverðlauna, aukaafleverðlauna og hluts samkvæmt kjarasamningum.

7. gr.

Gjald skv. 6. gr. gildir um afla seldan erlendis frá og með 1. janúar 1969.

Skal gjaldið greitt af fyrsta andvirði gjaldeyrisskila aflans í hérlendum banka. Um leið og gjaldeyriseftirlitið fær tilkynningu frá Fiskifélaginu um einstakar aflasölur erlendis, þá reiknar það út gjaldið, og sendir síðan tilkynningu um það til þess viðskiptabanka eða útíbús hans, sem fær gjaldeyrisandvirði aflans, og felur honum að halda gjaldinu eftir, þegar andvirðið er afreiknað, og ráðstafa því jafnóðum til Stofnfjársjóðs.

Ber útgerðaraðila, þ. m. t. skipstjóra að viðlagðri ábyrgð, að sjá um, að allt andvirði selds afla utanlands, að frádregnum eðlilegum tilkostnaði, berist án óeðlilegs dráttar í hérlendan gjaldeyrisbanka.

8. gr.

Nú ber svo við, að þrátt fyrir ákvæði 3. málsg. 7. gr. fara gjaldeyrisskil selds afla ekki um hérlendan banka, þá er stofnfjársjóðsgjald skv. 6. gr. gjaldfallið, þegar 10 dagar eru liðnir frá löndun úr skipi.

II. KAFLI

Almenn ákvæði.

9. gr.

Fiskifélag Íslands lætur í té skýrslur, svo sem gert er ráð fyrir í reglugerð þessari. Auk þess sendir það Fiskveiðasjóði hálfárslega skýrslu um afla og aflaverðmæti allra fiskiskipa, hvort sem afla þeirra er landað hérlendis eða í erlendri höfn. Stjórn Fiskveiðasjóðs setur nánari reglur um þessa skýrslugerð í samráði við Fiskifélagið.

Þegar Fiskveiðasjóði hafa borizt skýrslur þær, er um ræðir í 1. málsgrein, skal hann láta endurskoða greiðslur stofnfjársjóðsgjalda á reikninga fiskiskipa og sannreyna, að þær greiðslur séu í samræmi við aflaverðmæti skipanna og þau stofnfjársjóðsgjöld, sem af þeim ber að greiða, og ganga eftir réttum skilum þeirra.

Fiskskaupendur, fiskmóttakendur, útgerðaraðilar og skipstjórar eru skyldir að gefa þeim aðilum, sem sjá um framkvæmd reglugerðar þessarar, þær skýrslur um afla og afurðir, sem þeir eru krafðir um. Sömu aðilar bera óskipta ábyrgð á, að stofnfjársjóðsgjöld séu greidd á réttum tíma.

Gjaldeyriseftirlitið og viðskiptabankarnir skulu fylgjast með því, hver á sínu sviði, að gerð séu rétt og tímanleg skil á stofnfjársjóðsgjöldum, skv. reglugerð þessari, að því leyti, sem það er í þeirra valdi.

10. gr.

Reglugerð þessi er sett samkvæmt lögum nr. 79 frá 31. desember 1968 um ráðstafanir í sjávarútvegi vegna breytingar gengis íslenzkrar krónu og samkvæmt lögum nr. 58 frá 1. maí 1968 um Stofnfjársjóð fiskiskipa, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Sjávarútvegsmálaráðuneytið, 7. febrúar 1969.

Eggert G. Þorsteinsson.

Gunnlaugur E. Briem.